



ԲԱԶՄԱՎԷՊ

ՌՅԺԲ, 1863 — ԻԱ ՏԱՐԻ. — ԱՊՐԻԼ

ԲԱՆ ԽՐԱՏԱԿԱՆ ԵՒ ՊԻՏԱՆԻ

ՅՈՍԿԻՒՈՐԻԿ գրոց.

Յաշխարհս անպէտ իրք չկայ: Ամէն իրք՝ իրաց մի պէտք է. պահել պիտի որ 'ի դէմ գայ, որպէս բժիշկ:

Նենգաւոր և անզգամ ազգին՝ մի շատ երեւիլ և մի շատ խօսիր. կու տե՛ղեկանայ և զոտքն առնելով է:¹

Ի սօհալթն² ոչ ազահի մօտ և ոչ 'ի ճահիլի³ քով մի նստիր:

Բարի և շնորհք և պատուական պիտի սկսուածք, և զյետին խօսքն 'ի յառջի խօսքն բերէ կապէ:

Գիտութիւն՝ առաջին խօսքն է մարդուն. և շնորհք՝ սկսուածքն է բանին:

Մարդուն կացքն 'ի հագուստէն ճանաչի, և գնացքն 'ի հետ մարդոյն, և այն գործովն լինի:

Մարդոյն սիրան ընդ որ լինի՝ աչքն ու հայուածքն ընդ այն է:

1. Խոյս տայ, փախչի: — 2. Զրոյց: — 3. Մահ. կահասակ:

Ոչ կայծակեալ հուր ընդդէմ քա՛մու խաղաղ կայ, և ոչ յերես ելած կին և որդի՝ մեծի խօսից կարէ հնա՛զանդիլ:

Մին ստակ տուր սիրելի շինէ, հա՛զար ստակ տուր մի աւիրեր:

Երբ կարգաւորի կամ ծերի հանդիպիս, ջանայ որ բարեն առաջ դու տաս:

Երբ ստակ փոխ տաս՝ մարդոյ յառջև տուր, բայց յեկեղեցոյ?¹ մէջ մի ուզեր:

Զկինն 'ի ջրաղացն մի ուղարկեր, ոչ 'ի պաղչայ և 'ի հեռու տեղ:

Երբ 'ի ճանապարհ երթաս՝ կնոջ մի ասեր թէ յուշ կու գամ:

Զծածուկ խորհուրդ կնոջ մի ասեր: Զզրամդ 'ի կինդ 'ի պահ մի տար: Ըզկինդ գինեսէր մի առներ:

Ի գինարբունս շատախօս մի լինիր:

1. Յօրինակին յժ:

Հետ այլազգոյ մի խմեր, կամ հետ մարդոյ՝ որ նախանձ ունիս:

Ի քո նմանոյտ քով նստիր:

Ի կենդանութեանդ զտանդ իշխանութիւնն և զգրամդ՝ ի տղիդ ձեռն մի տար: Թարաքայ¹ մի որ հեռու տեղաց գայ՝ զոտով առ:

Երբ ի դատաստան երթաս՝ դու յետոյ գնա:

Երկու բան տարեկուս կայ, մէկ որ մնացուն² ցած լինայ, երկու որ մարդն կապած ելնայ: Երկու տարեկուս այլ կայ. մէկ որ պարտուտէրն ի դուռն գայ. երկու որ ինքն ծեր լինայ և մատղաշ կին առնու:

Տուն մի շիներ ի ճանապարհի վրայ, ոչ ի խանի քով ոչ ի բերդի քով, ոչ ի ձորքերան և ոչ ի խասապն:³

Բարեկամութիւն չունի ոչ խասապն, ոչ պոյաճին,⁴ ոչ ջաղջիպանն և գինեծախն, և այլ:

Երեք մարդու խօսք անցնուկ լինի, հարստին, մահապուպին,⁵ ամաքտաւին:⁶

Թէ ուզես որ հօրմաթ⁷ անես՝ սիրելի մօտ կամ վարդապետի մօտ երթաս, դարտակ մի երթար. և ոչ յուխտատեղ առանց խընկի և միմի մի դար:

Թէ որ ուզես որ մուրատ⁸ առնես և ուրախանաս, վաղուին ճաշուն՝ խլէ և կեր, օրհասրկին գնէ ու կեր, իրիկունն թէ ձրի տան՝ մի ուտեր:

Լաւ՝ հոր մի հաց պարտական, քան փոր մի հաց:

Չար աչաց բարի մի ցըցներ, և ոչ չար ականջի՝ բարի մի իմացներ:

Չսարմիատ⁹ ձեռացդ մի հաներ, և զքո բանդ ձեռքդ հոգա:

Ջխաբարն¹⁰ ի տղէն առ և ի հարբածէն և ի կնկնէն:

Ի գինեբրունս շատ մի յեմեր¹¹ շառ է:¹²

1. Թուի Թէրէէ, Ժառանգութիւն, կամ Թէրէէ-
+էէ ազգ հինահար: — 2. Ապիտելի, (պատերա-
շահ): — 3. Թուի +էէ, աւագուտ տեղի: — 4.
Ներկարար: — 5. Բժիշկ: — 6. Երախտաւոր,
արգիւնաւոր: — 7. Մեծարեւ, պատուել: —
8. Զուարճանալ, ընուլ զկամս: — 9. Դրամա-
դուխ: — 10. Լուր: — 11. Մի յամեր, մի ու-
շանար: — 12. Չար, մոլութիւն:

Ջքո բանդ այլոց քապով¹ մի ձգեր:

Դարձեալ գիտացիր որ երեք մարդ կան յաշխարհս խոտելի. նախ այնք՝ որ ոչ գիտեն. երկու՝ որ գիտեն զինքեանց ոչ գիտելն և ոչ հոգան զի գիտասցեն. երեք՝ որ ոչ գիտեն և խոտեն զգիտողն:

Դարձեալ գիտութիւն յերկու գէմս բաժանի. մէկ զի գիտէ և գիտէ զի գիտէ և զգիտութիւն խոստովանի. սա իմաստուն է և հեզ, ուսիր ի նմանէ: Երկու որ ոչ գիտէ և գիտէ որ ոչ գիտէ, և ըզտգիտութիւն խոստովանի, և զսա իմաստուն գոլ ասել, զի գիտաց զչափ անձին իւրոյ:

Դարձեալ տգէտն որ ոչ գիտէ և գիտէ որ ոչ գիտէ, և ասէ թէ գիտեմ՝ յանդուգն է և լիրբ, փախիր ի նմանէ: Երկրորդ, որ ոչ գիտէ և չգիտէ թէ ոչ գիտէ, և ասէ եթէ գիտեմ, այն մոլեգնեալ է և գիւահարեալ, հեռացիր ի նմանէ:

Յոյս:

Ես ճանչցեր էի զայն. տասն և չորս գարուն իրենց գեղեցկութիւնը տուեր էին անոր. երեսները փթըթեցուցեր էին անմեղութեան ծաղկի մը պէս: Ողն կարծես թէ կու լուսաւորուէր անոր չորս կողմը, և ճառագայթներով կու զարդարէր զնա: Եթէ յուսոյ հրեշտակն մեզի երևելու ըլլար՝ անշուշտ անոր պայծառ աչուրներովը, անոր քաղցր դիմքը, և անոր անբացատրելի ժպիտովը պիտի երևէր: Ի՞նչ պէտք է ըսել մօրն երջանկութեանը, երբ կու գիտէր այսպիսի սիրելի զաւակ մը. անոր երջանկութեանը, երբ մարդ իրեն երանի կու տային, երբոր ապագայն կու ցուցնէր իրեն երկայն ուրախութիւններ:

1. Թերևս Բէապ, գարշապար, ոտք: